



阳光亲切,有着满满嘅少年感,係赵浚承 Gary 俾 Color 嘅第一印象。同佢倾计之后,Color 发现 Gary 谦虚得来又好鬼马。你以为佢係模特出身嘅歌手? 其实,佢从细细个开始就中意唱歌,亦曾以歌手身份出道,点解咁兜兜转转? 要搵到自己努力嘅方向,原来都唔容易。

郭玮/文
秦丽莹、受访者提供/图

努力成为自己的骄傲

赵浚承

音乐之路一波三折

Gary 以 Square 组合嘅歌手身份出道,曾经係组合中嘅“气氛担当”,讲起自己嘅经历,确实有啲戏剧化。例如音乐创作最有灵感嘅地方,佢觉得係洗手间。Gary 最新发行嘅新歌《恋爱第二》,就係喺洗手间创作出来嘅,故事讲述自己嘅经历。其实,中学时期 Gary 就俾老师发现有音乐天赋,因为钟情弦乐开始接触二胡,至今都心心念念想拉好《梁祝》,想将呢样传统乐器融入自己嘅音乐作品中。之前玩创作嘅时候,Gary 想方便写歌,特意学咗电子琴,睇得出佢对音乐真係好上心。

有段时间,Gary 感到迷茫,觉在音乐方面停滞不前,所幸得到谭咏麟嘅鼓励,才重拾对音乐嘅信心。近两年,Gary 跟住“谭校长”巡演,经历不少万人舞台,由一开始揸嘍都手震,到后来见到观众会兴奋,本来纯粹嘅声线变得有内涵,感觉自己成长咗好多。虽然目前未有足够信心开个唱,但佢已经朝住呢个目标努力:“储多啲作品先啦!”



最想演“癫癫咗”嘅反派

除咗玩音乐,鬼马嘅 Gary 仲有唔少你估唔到嘅玩法。睇刘青云主演嘅《追凶》入面客串过“警察”,前段时间喺吴镇宇合作《破战》,跟住啲前辈,Gary 可以“偷师”学到唔少嘢。“正路”角色已经做过唔少,佢希望有机会挑战下“癫癫咗”嘅反派。佢之前参演“谭校长”嘅《男人的浪漫》系列MV,由几个故事组成一个微电影,穿插其中演得好过瘾。睇拍呢只MV期间,因为唔小心整断咗手指尾,“微电影”后半part“带伤翘起只尾指坚持拍摄,睇落似一个“无厘头”嘅小细节,大家都知道,係佢敬业嘅表现。Gary 仲对自己头发嘅“美人尖”比较有信心,觉得如果有机会演古装戏,造型上首先可以加下分。



《My world》MV 剧照



《破战》剧照

希望为未来的自己骄傲

明明可以靠颜值嘅 Gary,一心一意想用实力出圈,话只要大家认得佢把声,关注佢嘅作品就够了。讲到对未来发展方向,Gary 话从综艺节目得都唔少启发。之前参加过《星光大道》,遇到一啲美声、民族风嘅音乐人,令佢发现自己都有呢两种方面嘅潜质,可以尝试不同类型嘅音乐。拓展音乐作品嘅多样性,争取同优秀嘅音乐人合作交流,都係 Gary 依家努力嘅方向。睇过《披荆斩棘的哥哥》之后,Gary 都希望自己可以有所突破,跳出时嘅舒适圈;中意打拳又中意运动,竞技体育类嘅综艺都係佢嘅心头好……Gary 一直在尝试各种可能,为嘅就係未来可以为依家努力奋斗嘅自己感到骄傲。



潮人档案:

姓名:赵浚承 Gary
昵称:大头承、呀赵
生日:9月11日
兴趣:唱歌、作品、各种运动
喜爱乐器:二胡、电子琴
最喜爱的歌手:谭咏麟、陈奕迅、陶喆
经历:2006年,在香港任职模特儿,曾拍摄多个知名品牌广告。2008年成为组合 SQUARE 的一员,组合于2015年参加中央电视台《星光大道》,获得《星光大道》年度季军。同年推出专辑《Square-SEARCHING 觅》,获得多个香港音乐奖项。



GARY CHIU